



Xavier Pascual Santisteve, secretari accidentau deth Conselh Generau d'Aran

## CERTIFIQUI:

---

Qu'ena Session Ordinària deth Plen deth Conselh Generau d'Aran deth dia 22 de hereuèr de 2023 s'adoptèc eth següent acòrd, qu'a resèrva dera aprobacion der acta, ditz literaument çò que seguís:

**"15au.- APROBACION, SE PROCEDÍS, DERA ADESION DETH CONSELH GENERAU D'ARAN E DES SÒNS ENS DEPENDENTS ATH CÒDI ÈTIC DETH SERVICI PUBLIC DE CATALUNYA.-**

(...)

Se balhe compde dera prepausa d'aprobacion se procedís dera adesion deth Conselh Generau d'Aran e des sòns ens dependents ath Còdi ètic deth Serviçi Public de Catalunya, aprovat peth Govèrn dera Generalitat de Catalunya en data 28 d'octubre de 2021, eth quau còste publicat en DOGC 8532, e establir qu'aguest còdi ètic sigue un contingut de coneishement obligatòri entàs servidores e servidors publics deth Conselh Generau d'Aran.

Eth Conselh Generau d'Aran vò proclamar ath mès naut nivèu ua politica de tolerància zero damb eth frau e era corrupcion politica e comprometer-se a mantier es estandars mès nauti de qualitat jurídica, etica e morau, e adoptar es principis d'integritat, imparcialitat e onestedat, e a desplegar es mesures idònies contra eth frau e era corrupcion.

Entre aquestes mesures, eth Plen deth Conselh Generau d'Aran en session de 18 de gèr de 2016 aprovèc era adesion ath còdi de bon govèrn dera Federación Española de Municipios y Provincias. Aguest còdi recuelh un decalòg des principis que van des deth respècte ar ordenament juridic e eth compromís damb era etica publica e era qualitat democratica, enquiara defensa des interèssi generaus damb onradesa, objectivitat, imparcialitat, austeritat e proximitat ath ciutadan.

En aquesti moments, se vò contunhar refortilhint aguest compromís ètic deth Conselh Generau d'Aran e des sòns organismes deperents de tolerancia zero damb eth frau e era corrupcion en tot aderir-se ath Còdi Ètic deth serviçi public de Catalunya, aprovat pera Generalitat de Catalunya per Acord GOV/164/2021, de 26 d'octubre.

Aguest madeish acòrd previè en sòn punt cincau, era adopcion deth Còdi Ètic per part des administracion publiques catalanes damb er objectiu d'orientar era actuacion des servidors publics des dera clau des valors, refortilhint d'aguesta manera era integritat dera sua actuacion e contribusint atau a impulsar era mielhora deth serviçi public.

Cossent damb çò expausat, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 16 de hereuèr de 2023, se prepausa ath Plen era aprobacion dera adesion deth Conselh Generau d'Aran e des sòns ens dependents ath còdi ètic deth Serviçi Public de Catalunya.

Un viatge sotmetuda era prepausa a votacion e debat, s'obtien **dotze (12) vòts a favor** dera sindica e des conselhèrs Mgfç. Sr. Juan Antonio Serrano Iglesias, Mgfç. Sr. Francisco Bruna Capel, Mgfç. Sr. Amador Marques Atés, Mgfç. Sr. José Canut Herraiz, Mgfca. Sra. Àngela Cases Andreu, Mgfç. Sr. Héctor Manero Vicente, Mgfç. Sr. Oriol Sala Sánchez, Mgfç. Sr. Andreu Cortés Labrid, Mgfç. Sr. César Ruiz-Canela Nieto, Mgfç. Sr. José Antonio Boya Quintana e Mgfç. Sr.



## Conselh Generau d'Aran

Òscar Canut Cònsul, pera quau causa s'acòrde per *unanimitat* des dotze (12) membres presents deth totau de tretze que formen era Corporacion:

Prumèr.- Aprovar era adesion deth Conselh Generau d'Aran e des sòns ens depenents (SABS; FTVA, AS e PE) ath Còdi Ètic deth servici public de Catalunya aprovat peth Govèrn dera Generalitat de Catalunya en data 28 d'octubre de 2021, eth quau còste publicat en DOGC 8532, e establir qu'aguest còdi ètic sigue un contingut de coneishement obligatòri entàs servidores e servidors publics deth Conselh Generau d'Aran.

Dusau.- Publicar aguest acòrd amassa damb eth Còdi Ètic deth servici public de Catalunya ena pagina web deth Conselh.

Tresau.- Facultar ara sindica d'Aran, en nòm e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau còste ar efècte oportun, signi aguest certificat d'orde e damb visteplatz dera Sindica.

Vielha, *signat electronicament*

Viste platz  
Era Sindica

Maria Vergés Pérez